

道光  
晉江縣志

第十四冊

卷之四十三至

卷之五十一

晉江縣志卷之四十三

人物志 宦績之四

明

邱有品字孔觀嘉靖癸丑進士授南吏部主事遷中  
中擬奉浙藩相國徐文貞階雅重其賢乃調考功郎嘗  
詢南中人才有品舉姜鳳阿等二十人以應時並在下  
僚後多為名臣擢南光祿少卿丁艱補北遷應天府丞  
攝府事以不媚高拱罷歸年五十八卒

陳載熙嘉靖乙卯舉人授潮陽知縣居官以清謹聞

蔡存省字宣懋嘉靖戊午舉人授安鄉教諭分枝江  
西遷永明知縣公暇郊行勸課孺首皆羅拜曰吾父母  
也調杭州府教授教如安鄉督學為通行其教規于兩  
浙視海寧篆及去海寧人尸祝之遷國子助教出為臨  
江通判地多劫盜為編保甲嚴巡緝禁窩藏盜徙他界  
杜業字道修嘉靖戊午舉人授梧州推官遷順司  
理持三尺一如梧州推戶部主事出督淮庾兼董權司  
弊根剷除竣事遷郎中旋擢廣東副使備兵瓊州兼督  
學政時進諸生課以大學衍義補曰此而鄉所標先進

者也遠近響應景附甫半載坐前事報罷歸逾年而立  
莊望棟嘉靖戊午舉人授荊門知州地當孔道供億  
絡繹值丈畝民苦流困釐剔冗費與民更新豪詭藉州  
印欲奪民田廉其實勒迫遺民輿論稱快竟以是中  
語左遷淮府左史假歸襄父葬事改楚府長史中途卒  
黃才敏字爾懋嘉靖戊午解元乙丑會魁授戶部主  
事監德州倉入為禮科給事中論列數上侍經筵勤慎  
有衣饌之賜居嘗束修自將不輕謁相臣門坐左邊  
邑丞量移縣令尋卒

劉大遺嘉靖己未聯第進士仕戶部郎改吏部出為  
浙江按察副使以清謹聞

洪有第字懋學南安人徙居晉江嘉靖己未聯捷進  
士授新成令邑之貴人持令長短見有第泣事精詳皆  
斂輯不敢肆于歲飢發廩給賑全活甚衆調新會父老  
攀轅泣竟以勞瘁卒于官

林大禎字及甫嘉靖辛酉舉人授平陽教諭丁艱起  
補烏程擢宣化令盡斥例金正俸外一無所入遷襄王  
府審理數誦王半山詠賈長沙古人處一職豈敢苟然

為之語凡十八年始晉秩左史得正四品蕭然而歸

王稷廷字民育嘉靖辛酉舉人授萬載教諭擢四川  
營山令東西林關外梵寺叢雜僧藏匿婦女廉其狀寘  
之法搜僧舍得咒器廢寺為書院召為南京御史上大  
本大務凡六疏俱報可出為湖廣僉事鎮單州除巨姓  
窩盜者一州稱快擢雲南右參議升四川左參議致仕  
歸

張守為號松陵嘉靖辛酉舉人授博羅知縣民俗涸  
夷首揭文公家禮繩之弊俗一掃興文崇教建文昌閣

築隨龔堤民便之未報政死于官

黃天申嘉靖中為遼東衛經歷嘗救一萬戶侯死命  
侯夜率妻孥携千金為壽峻卻之遷寧州判臨行遼人  
遮道留之至官未久卒

張國謙字爾光嘉靖壬戌聯第進士由戶部郎擢守  
温州加意民瘼盜竊屏息境內肅如卒于官民哀慕之  
郭立之號卓然嘉靖甲子舉人授象山教諭擢國子  
監博士升戶部主事遷員外郎中監兌湖廣出知柳州  
披閱爰書有二十七人集象塑山執兵防虎縣官勾攝

不至坐以謀逆獄已具立之鞠其寃力為請命于是轉  
讞 台覆審報允並獲解網賊酋覃公禮聚眾焚劫村  
落立之設計剽滅民以安堵以養母乞歸年七十六

賴廷檜字而舟嘉靖乙丑進士授戶部主事監兌江  
西歷郎中秩滿遷昌府服除補歸德按河首壅疏就故  
道五歲之內河不為災時詢諸令民情土俗除其所不  
便者政平訟理遷副使備兵天津訓練有方是秋北兵  
犯雁門徵諸道兵惟天津最練幕府上功第一擢四川

參政升按察使卒年四十八



金志行字達卿嘉靖間授海南衛經歷以儒雅超同輩惠安張岳撫兩粵喜曰是宜試之于民三州十縣檄志簡稽爬剔無隱兩署萬州一攝昌化累著循聲黃光昇參廣藩見之海上迎謂曰瓊民于子絕後無後言署以上考未幾致政歸

史宏璉號商崖嘉靖間以歲貢授金壇訓導課士有方其為諸生時子朝宥姪朝宜朝富皆稟受其家學

黃物備字伯周以選貢授興國訓導遷章邱教諭澧州學正在章邱吏部李開先愛之如親兄弟在澧州大

學士趙貞吉時為荔波尉喜其學識精深稱為天下士  
留連不忍別焉

史繼倫字世教為諸生以例授湖廣按察司照磨意  
氣宏遠上官優禮有加擢廣東碣石經歷聲望逾起而  
氣益發舒卒以獲咎郡守罷焉

潘維岳隆慶丁卯鄉魁餘揭揚知縣刻意治官擢為  
御史終黃州太守

許知新隆慶丁卯舉人知徐州無以為家清節自守  
朱昌竹字國芑隆慶丁卯舉人授安化令方正自持

門絕芑直有富家殺人夜持千金求脫罪怒坐叱之官如法泣任甫三月告歸抵家後遊于粵卒

蔡思雍字之恒隆慶丁卯舉人為古蘄學正遷龍泉知縣邑有勢豪恃姻婭當路謀奪民山利浼上官為言思雍檢牘視之曰此民利也奪民利以博官我則不能竟斷歸民雲和礦盜起調鄉兵備糧餉擒數巨魁上之軍門餘黨解散以忤上官意劾改教職士民共惜年八十三卒

黃國彥字士美隆慶丁卯舉人授新寧令歷官紹興

通判終崇府長史嘗書駢語曰於崇吾得見王深漸左  
史倚相入門室交誦我有似北門 夫其風采可慨見  
也

周 甲隆慶丁卯舉人授玉山令明敏練達奸盜屏  
息築萬柳洲改南城門修安塔建儒坊石龍橋惠愛及  
民奉文文田其功尤大政績載廣信府志陞潁州牧

李道南字君載隆慶初初任訓導台州攝台令出寬  
獄除丞簿尉之設甯甯民者遷于潛學諭天台人立去  
思碑當道悉其廉又委署昌化如署天台時終汀州教

授

蕭騰鳳景興孫陸慶戊辰進士授南海令當巨盜曹一本煽亂之後已里蕭條添設撫臣增兵置餉督鎮參駐處省城客兵數千恣睢 校騰鳳調劑有方上下稱便人心悅服以事累左遷縣丞後歷官兩淮運使

顏容舒陸慶戊辰進士授博羅令時倭寇告警設民兵三百訓練甚嚴大破羣兇寇旋解散擢科給事中巡城廠庫拒內官忤柄相糾冗法題奸商瀆奏抑珍珠倖利暨軍器解料交庫成規諸疏皆便民欵差冊封崇

府加一品

楊日采字原日隆慶庚午舉人授羅源教諭遷安東  
令邑苦河溢修堤障之招流亡墾荒山改折漕糧勞來  
商旅疲邑改觀擢南刑部主事以積勞致病歲餘卒

張雲冲字舉之隆慶庚午舉人授崇明教諭諸生有  
逸軌者輒嚴裁之學政一新擢寧州牧諸生感念請王  
鳳洲為文誌之立石明倫堂

莊應植字西洛隆慶中貢士為博羅教諭諄諄善誘  
罷官赤貧仍開教授如諸生時素寡交遊惟與何炯過

從不仕後以壽終

陳 節隆慶庚午舉人授臨高知縣政務寬簡奉檄  
丈田悉除不苟殖俗華費節獨清儉異常有時趨府歸  
老稱曰吾如家人父子入覲泣雷不獲勒碑紀德

周 之 宣 字 以 哀 隆 慶 辛 未 聯 捷 進 士 歷 官 戶 科 給 事  
中 奏 請 通 錢 法 兼 管 光 祿 寺 值 慈 聖 太 后 千 秋 內 票  
數 萬 金 欲 賞 內 戚 近 侍 良 寅 上 惜 費 疏 得 停 罷 轉 刑 科  
都 給 事 尋 居 正 丁 艱 六 科 會 疏 宣 獨 不 署 名 出 為 浙 江  
巡 撫 宣 計 具 向 所 不 合 者 居 要 遂 請 判 靖 州 遷 寧 國

令解組歸

楊佩訓字維式隆慶辛未聯捷進士授戶部主事權  
許墅閩酌歲課若干盈額即弛不征刻為許墅事宜監  
徐洪兼董水部分司遷四川參議以觸直指怒調廣西  
參議討平徭亂擢桂林副使復調四川備兵敍馬廬釐  
軍費慎封守播首楊應習亂有議撫者爭之曰弛不推  
而此若何亟請征于是言劄者盡如佩訓議累登薦刻  
轉參政未幾御史彈巡撫波及左遷歸抵家數月卒  
趙日新字用甫隆慶辛未進士知分宜縣下車問民



疾苦興除首中窵四境肅然郡司理某奉檄督變嚴氏  
及產酷急株連嚴氏耕夫日新破械出之司理積憾  
之左移旌德諭擢國子監博士轉監丞晉戶部主事告  
歸

張會宗字子震隆慶辛未進士授太常博士以不附  
柄臣移兵部主事督武學出守台州六年調岳州廉平  
簡易好與民興利荆藩構獄累歲不決反覆停讞備得  
其情諭以東平河間之誼諸王感悟移雲南副使解組  
歸